

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 13/04/10-45-1-1371/21

Datum: 06.10.2021. godine

| | | | |
|-----------------------|------|---------|------------|
| Priljepak: 07-10-2021 | | | |
| Otv. pos. | Broj | Priloga | Vrijednost |
| 05/2 | -02- | 284 | /21 |

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/p mr. sci. Izmir Hadžić, sekretar

PREDMET: Odgovor na delegatsko pitanje, dostavlja se

VEZA: Vaš akt broj: 05/2-02-284/21 od 07.09.2021. godine

U vezi sa zastupničkim pitanjem, koje je, između ostalog, upućeno i Poreznoj upravi Federacije Bosne i Hercegovine, a koje je delegat Stipan Šarac postavio na 12. sjednici Doma naroda Parlamenta Federacije BiH održanoj 29.07.2021.godine, a koje glasi: „Moj upit je prema Poreznoj upravi Federacije BiH. Naime, ovih dana u Hercegbosanskoj županiji blokirani su računi svih ili većine zdravstvenih ustanova znači domova zdravlja i županijske bolnice. Znam da sve zdravstvene institucije imaju probleme, kod nas u županiji prije pet godine su potpisali sporazum sa Poreznom upravom pa me zanima šta je se to promijenilo ovih dana u odnosu na zadnjih pet godina da je došlo do ove blokade? Isto tako zanima me da li je došlo do blokade u drugim županijama, znači, na prostoru Federacije ovih dana, znači, je li blokirani račun bilo koje druge zdravstvene ustanove i u svjetlu ove prve točke dnevnog reda da li je ovo priprema Porezne uprave za četvrti val koji se očekuje na jesen, znači, njihov način borbe protiv Covid-19?“ dajemo sljedeći odgovor:

Porezna uprava Federacije BiH je u okviru svojih nadležnosti, a provodeći mjere prinudne naplate poreznog duga prema poreznim obveznicima – zdravstvenim ustanovama sa područja Kantonalnog poreznog ureda Livno (u daljem tekstu: KPU Livno) istima umjesto klasične blokade računa ispostavila rješenje o ograničenom pravu raspolaganja novčanim sredstvima na transakcijskim računima, a čime im je (i pored velikog akumuliranog poreznog duga) omogućeno dalje poslovanje. Zdravstvenim ustanovama sa područja Hercegbosanske županije Porezna uprava Federacije BiH nije blokirala račune kako to u svom upitu navodi gosp. Stipan Šarac – delegat Doma naroda u Parlamentu Federacije BiH, nego im je umjesto klasične blokade još 2016.godine izdala rješenje o ograničenom pravu raspolaganja novčanim sredstvima na transakcijskim računima. Navedenim rješenjima zdravstvenim ustanovama / poreznim dužnicima je omogućen dalji rad i pored postojećeg poreznog duga, uz obavezan uvjet redovitog plaćanja tekućih poreznih obveza nastalih nakon izdavanja rješenja o ograničenom pravu raspolaganja novčanim sredstvima na transakcijskim računima. Dakle, kao i drugim zdravstvenim ustanovama / poreznim dužnicima s područja Federacije BiH, Porezna uprava Federacije BiH je u okviru svojih nadležnosti omogućila i zdravstvenim ustanovama Hercegbosanske županije dalje poslovanje i pored velikog dospjelog poreznog duga, ali pod uvjetom da se taj dug dalje ne povećava, odnosno da se tekuća porezna dugovanja redovno i uredno plaćaju.

Dug zdravstvenih ustanova u Hercegbosanskoj županiji zaključno sa 31.08.2021. godine po službenim evidencijama Odsjeka za prisilnu naplatu KPU Livno, bez doračunatih kamata, iznose:

- „**Županijska bolnica Dr. fra Mihovil Sučić**“ – **6.127.556,91 KM**, a od čega se na glavnici odnosi 5.707.375,90 KM, a na zateznu kamatu na javne prihode 420.181,01 KM;
- „**Dom Zdravlja Livno**“ – **1.542.870,99 KM**, od čega se na glavnici odnosi 1.453.268,14 KM, a na zateznu kamatu na javne prihode 89.602,85 KM;
- „**Zavod za javno zdravstvo HBŽ**“ – **81.111,02 KM**, od čega se na glavnici odnosi 61.897,38 KM, a na zateznu kamatu na javne prihode 19.213,64 KM;
- „**Dom Zdravlja Glamoč**“ – **951.939,56 KM**, od čega se na glavnici odnosi 775.590,55 KM, a na zateznu kamatu na javne prihode 176.349,01 KM;
- „**Dom Zdravlja Kupres**“ – **195.937,45 KM**, od čega se na glavnici odnosi 145.874,42 KM, a na zateznu kamatu na javne prihode 50.063,03 KM;
- „**Dom Zdravlja Drvar**“ – **3.928.488,71 KM**, od čega se na glavnici odnosi 2.817.030,51 KM, a na zateznu kamatu na javne prihode 1.111.458,20 KM;
- „**Dom Zdravlja Tomislavgrad**“ – **79.762,08 KM**, od čega se na glavnici odnosi 45.436,25 KM, a na zateznu kamatu na javne prihode 34.325,83 KM.

Dakle, ukupan dug zdravstvenih ustanova Hercegbosanske županije iznosi **12.907.666,72 KM**, a zdravstvenim ustanovama i pored tako velikog poreznog duga nisu blokirani transakcijski računi te im je ostavljena mogućnost daljeg rada, ali pod uvjetom da se gore navedeni dug više ne povećava. Svim prethodno navedenim zdravstvenim ustanovama s područja Hercegbosanske županije, osim „Dom Zdravlja Tomislavgrad“ – koji ima zaključen Sporazum o obročnom plaćanju poreznog duga od 20.03.2018. godine u 60 mjesečnih obroka, su izdana rješenja o ograničenom pravu raspolaganja novčanim sredstvima na transakcijskim računima, kojima im je omogućen nesmetan rad, ali pod uvjetom da uredno plaćaju tekuće porezne obaveze.

Ovdje je potrebno posebno napomenuti da se Porezna uprava Federacije BiH putem nadležnog KPU Livno u više navrata obraćala osnivačima zdravstvenih ustanova / poreznih dužnika s područja Hercegbosanske županije kako bi im se omogućilo da postojeći porezni dug plate obročno, sklapanjem odgovarajućeg sporazuma u skladu sa Zakonom o Poreznoj upravi Federacije BiH (“Službene novine FBiH”, broj: 33/02, 28/04, 57/09, 40/10, 27/12, 7/13, 71/14 i 91/15) i Pravilnikom o procedurama prinudne naplate poreznih obaveza (“Službene novine Federacije BiH”, broj: 50/02, 54/03, 31/11, 38/16, 69/17 i 18/21), ali i pored brojnih dopisa te poslanih upozorenja Porezne uprave Federacije BiH, na žalost ni jedan od osnivača tih ustanova nije našao za shodno na bilo koji način odgovoriti niti kontaktirati nadležni KPU Livno – kako bi se na zakonom propisan način moglo regulirati plaćanje nagomilanog poreznog duga, a ujedno omogućio nastavak rada zdravstvenih ustanova.

Što se tiče drugog dijela pitanja koje se tiče poreznog duga drugih zdravstvenih ustanova u ostatku Federacije BiH, u privitku Vam dostavljamo tabelarni prikaz svih javnih zdravstvenih ustanova s dugom u prinudnoj naplati na dan 31.08.2021. godine, iz kojeg je vidljivo da Porezna uprava Federacije BiH niti jednoj od zdravstvenih ustanova s dugom u prinudnoj naplati još uvijek nije blokirala račune, s tim da su im (kao i za zdravstvene ustanove u Hercegbosanskoj županiji) izdata rješenja o ograničenom pravu raspolaganja novčanim sredstvima na transakcijskim računima ili imaju zaključen sporazum o obročnom plaćanju poreznih obaveza.

Dakle, sa aspekta primijenjenih mjera prinudne naplate Porezna uprava Federacije BiH je tijekom pandemijske krize primijenila isti tretman na sve porezne dužnike – zdravstvene ustanove na cijelom teritoriju Federacije BiH, a blokade transakcijskih računa i druge mjere prinudne naplate će biti prinuđena primijeniti ukoliko navedeni porezni dužnici ne budu uredno plaćali tekuće porezne obaveze i mjesečne obroke po sklopljenim sporazumima.

S poštovanjem,

Prilog: Kao u tekstu

Dostaviti:
1. Naslovu
2. a/a



POREZNA DUGOVANJA POREZNIH OBVEZNIKA ZDRAVSTVENIH USTANOVA U PRINUDNOJ NAPLATI NA DAN 31.8.2021.

| RED. BR. | NAZIV POREZNOG OBVEZNIKA - ZDRAVSTVENE USTANOVE | IZNOS DUGA NA DAN 31.08.2021. | | | PODUZETE MJERE | | | | NAPOMENA/OBRASLOŽENJE |
|----------|---|-------------------------------|--------------|---------------|--|---|---|--|--|
| | | GLAVNICA S TROŠKOVIMA P.N. | KAMATA | UKUPNO | BROJ I DATUM RJEŠENJA O OBUSTAVI TRANSAKCIJA PREKO RAČUNA P.O. | BROJ I DATUM RJEŠENJA O NAPLATI IZ NOVČANIH SREDSTAVA | BROJ I DATUM RJEŠENJA O OGRANIČENOM PRAVU RASPOLAGANJA SREDSTVIMA NA T.R. | BROJ I DATUM SPORAZUMA O PLAĆANJU DUGA U RATAMA/ODGOĐE PLAĆANJU DUGA | |
| 1 | "DOM ZDRAVLJA" JU Busovača | 1.399.042,23 | 1.499.684,53 | 2.898.726,76 | | | | Broj:13/10-12-27-645/20 VP od 26.05.2020.g. | Sporazum zaključen na 60 rata. |
| 2 | "SVEUČILIŠNA KLINIČKA BOLNICA MOSTAR" | 60.026.239,35 | 9.225.532,19 | 69.251.771,54 | | | 13-7-01-15-831-2,3,4,5,6/14 od 18.7.2017. | | |
| 3 | JU OPŠTA BOLNICA KONJIC | 11.589.320,93 | 1.224.040,37 | 12.813.361,30 | | | UP-13-7-01-15-313-1,2,3,4/16 od 27.6.2016. | | Porezni obveznik je brisan iz sudskog registra zbog statusnih promjena, a pravni slijednici ovog poreznog duga su Dom zdravlja Konjic i Opća bolnica Konjic. Dioba duga na pravne slijednike po diobenoj bilanci još uvijek nije dovršena. |
| 4 | JU "KANTONALNA BOLNICA DR.SAFET MUJIĆ" | 6.705.057,05 | 312.051,16 | 7.017.108,21 | | | 13-7-01-15-331-2,3,4/16 od 27.6.2016. | | |
| 5 | "DOM ZDRAVLJA KONJIC " | 5.240.257,62 | 123.206,22 | 5.363.463,84 | | | 13-7-01-15-299-1,2/17 od 22.2.2018 | | |
| 6 | JU"OPĆA BOLNICA KONJIC" | 5.229.867,66 | 126.572,72 | 5.356.440,38 | | | 13-7-01-15-855-1/16 od 18.7.2017. | | |
| 7 | CENTAR ZA PREVENCIJU I IZVANBOLNIČKO LIJEČENJE OVISNOSTI MOSTAR | 347.679,15 | 135.879,86 | 483.559,01 | | | 13-7-01-15-46-9/11 od 10.9.2018. | | |
| 8 | ZAVOD ZA JAVNO ZDRAVSTVO HNKUŽ | 124.848,02 | 10.815,32 | 135.663,34 | | | | Broj: 13-7-01-15-1022-2/19 od 13.1.2020 | |

| | | | | | | | | | |
|----|---|--------------|------------|--------------|--|--|---|--|--|
| 9 | ŽUPANIJSKA BOLNICA DR. FRA MIHOVIL SUČIĆ | 5.707.375,90 | 420.181,01 | 6.127.556,91 | | | 13-10-01-15-21-56/04 O od 27.06.2016.- Raiffeisen Bank dd BiH; 13-10-01-15-21-56/04 O od 27.06.2016.- Intesa San paolo Banka dd BiH; 13-10-01-15-21-56/04 O od 27.06.2016.- UniCredit Bank dd Mostar | | |
| 10 | DOM ZDRAVLJA LIVNO | 1.453.268,14 | 89.602,85 | 1.542.870,99 | | | 13-10-01-15-21-56/04 1-II od 27.06.2016.- Unicredit Bank dd Mostar | | |
| 11 | ZAVOD ZA JAVNO ZDRAVSTVO HBŽ | 61.897,38 | 19.213,64 | 81.111,02 | | | 13-10-01-15-21-13/09 1-II od 27.06.2016.- UniCredit dd Mostar | | |
| 12 | DOM ZDRAVLJA GLAMOČ | 775.590,55 | 176.349,01 | 951.939,56 | | | 13-10-01-15-21- 187/06-1-O od 27.06.2016.-Intesa Sanpaolo banka dd BiH | | |
| 13 | DOM ZDRAVLJA KUPRES | 145.874,42 | 50.063,03 | 195.937,45 | | | 13-10-01-15-21-08/07 1-O od 27.06.2016.- Intesa Sanpaolo Banka dd BiH; 13-10-01-15-21-08/07 1-O od 27.06.2016.- Hypo Alpe adria Bank | | |

| | | | | | | | | | |
|----------------|------------------------------|-----------------------|----------------------|-----------------------|--|--|---|---|----------------------------------|
| 14 | DOM ZDRAVLJA DRVAR | 2.817.030,51 | 1.111.458,20 | 3.928.488,71 | | | 13-10-01-15-21-11/06 od 27.06.2016.-Intesa Sanpaolo banka dd BiH; 13-10-01-15-21-11/06 od 27.06.2016- UniCredit Bank ad Banja Luka | | |
| 15 | DOM ZDRAVLJA TOMISLAVGRAD | 45.436,25 | 34.325,83 | 79.762,08 | | | | 13/10-15-22-286- 1/18 M.S. od 20.03.2018. | Zaključen Sporazum na 60 rata |
| UKUPNO: | | 101.668.785,16 | 14.558.975,94 | 116.227.761,10 | | | | | |

Napomena: u KPU Sarajevo, Goražde, Zenica, Tuzla, Bihać, Ljubuški, Orašje zdravstvene ustanove nemaju duga javnih prihoda u prinudnoj naplati na dan 31.08.2021. godine